

The Electronic Manipulus florum

www.manipulusflorum.com

Spiritus sanctus s cum fonte primo

Spiritus Ihesu, spiritus bonus, Spiritus
sanctus, spiritus rectus, spiritus dulcis,
spiritus fortis, infirma roborans, ←
aspera planans, corda purificans.

Quicquid in hoc seculo nequam uidetur,
difficile et angustum leue facit et latum;
obprobrium gaudium iudicat,
despectionem exaltationem esse
persuadet.

Bernardus sermone LXXIII.

Spiritus enim Iesu, spiritus bonus, spiritus
sanctus, spiritus rectus, spiritus dulcis,
spiritus principalis,

quidquid in hoc saeculo nequam uidetur,
difficile et angustum, leue facit et latum:
obprobrium gaudium iudicat,
despectionem exaltationem esse
persuadet.

Bernardus Claraeuallensis, *Sermones in
ascensione Domini*, 3, 9 (SBO 5, J.
Leclercq, C.H. Talbot, H.M. Rochais
eds., p.137, ll.2-5).

Cui nos gratiae pro nostrae exiguitatis
modulo praeparantes, exinanire per omnia
nosmetipsos, et a delectationibus miseris,
et caducis consolationibus evacuare
studeamus, dilectissimi, corda nostra,
maximeque instante nunc die festo, et
feruentius, et fiducialius unanimiter
perseveremus in oratione, ut sua nos
visitatione, sua consolatione et
confirmatione dignetur Spiritus ille
benignus, spiritus dulcis,
→ spiritus fortis, infirma roborans,
aspera planans, corda purificans,
qui cum Patre et Filio idipsum, sed non is
ipse est, ut tres unum et unum esse tres
verissime prorsus et fidelissime catholica
Ecclesia fateatur, a Patre adoptata, a Filio
desponsata, a Spiritu confirmata, quibus
ut una substantia, sic et eadem
nihilominus gloria in saecula saeculorum.

Bernardus Claraeuallensis, *Sermones in
ascensione Domini*, 6, 15 (SBO 5, J.
Leclercq, C.H. Talbot, H.M. Rochais
eds., pp.159-60, ll.20-28, 1-2).